



O`ZBEKISTON RESPUBLIKASI VAZIRLAR MAHKAMASINING QARORI

20 22 yil « 30 » sentabr

№ 555

Toshkent sh.

**Вазирлар Маҳкамасининг “Ўзбекистон Республикасининг
Давлат чегараси орқали ўтказиш пунктларида чегара, божхона,
санитария-карантин, фитосанитария ва ветеринария назоратини ташкил
этиш тартибини янада такомиллаштириш тўғрисида”
2019 йил 18 ноябрдаги 912-сон қарорига ўзгартиришлар
ва қўшимча киритиш ҳақида**

Сўнгги вақтларда автомобиль ўтказиш пунктлари тақиқланган товарларни Ўзбекистон Республикаси ҳудудига ноқонуний олиб кириш ҳамда республика орқали уларни транзит тарзда олиб ўтиш йўналишларидан бири сифатида сақланиб қолмоқда.

Бунда қонунбузарлар томонидан турли ҳийла-найранглар қўлланиши ҳамда транспорт воситасини кўриқдан ўтказиш вақти чекланганлиги автомобиль ўтказиш пунктида тақиқланган товарларни аниқлашда қийинчиликларни, шунингдек, тирбандликларни юзага келтирмоқда.

Ўзбекистон Республикасининг Давлат чегараси орқали ўтказиш пунктларида чегара, божхона, санитария-карантин, фитосанитария ва ветеринария назорати органлари фаолиятининг самарадорлигини янада ошириш, шунингдек, Давлат чегараси орқали товарлар ва транспорт воситалари ноқонуний кириб келишининг олдини олиш ва уларни кўриқдан ўтказишида Ўзбекистон Республикаси Давлат хавфсизлик хизмати Чегара қўшинлари ҳарбий хизматчиларини жалб этиш мақсадида Вазирлар Маҳкамаси қарор қиласди:

1. Вазирлар Маҳкамасининг 2019 йил 18 ноябрдаги 912-сон қарори билан тасдиқланган Ўзбекистон Республикасининг Давлат чегараси орқали шахслар, транспорт воситалари ва товарларни ўтказиш пунктларида чегара, божхона, санитария-карантин, фитосанитария ва ветеринария назоратидан ўтказиш тартиби тўғрисидаги низомга иловага мувофиқ қуйидагиларни назарда тутувчи ўзгартиришлар ва қўшимча киритилсин:

“Чегара назорати” ва “чегара кўриги” тушунчаларига янада аниқлик киритилган таъриф бериш;

автомобиль ўтказиш пунктлари орқали ҳаракатланаётган автотранспорт воситалари ва юкларни кўриқдан божхона ва чегара назорати бўлинмалари билан ҳамкорликда ўтказиш;

автотранспорт воситалари ва юкларни қўриқдан ўтказишида чегара назорати бўлинмалари иштирокини таъминлаган ҳолда, чегара назоратини амалга ошириш учун сарфланадиган вақтни оптималлаштириш.

2. Ўзбекистон Республикаси Давлат хавфсизлик хизмати Чегара қўшинлари манфаатдор вазирлик ва идоралар билан биргаликда ўзлари қабул қилган норматив-хукуқий хужжатларни икки ой муддатда ушбу қарорга мувофиқлаштирисин.

3. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринbosари А.Ж. Раматов, Ўзбекистон Республикаси Давлат хавфсизлик хизмати раисининг ўринbosари – Чегара қўшинлари қўмондони С.Э.Хусанов ва Ўзбекистон Республикаси Давлат божхона қўмитаси раиси А.Ю. Мавлонов зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2022 йил 30 сентябрдаги 555-сон қарорига
илова

**Вазирлар Маҳкамасининг 2019 йил 18 ноябрдаги 912-сон қарори
 билан тасдиқланган Ўзбекистон Республикасининг Давлат чегараси
 орқали шахслар, транспорт воситалари ва товарларни ўтказиш
 пунктларида чегара, божхона, санитария-карантин, фитосанитария
 ва ветеринария назоратидан ўтказиш тартиби тўғрисидаги
 низомга киритилаётган ўзгартиришлар ва қўшимча**

1. 2-банда:

йигирманчи хатбоши қуйидаги таҳрирда баён этилсин:

“чегара назорати – Ўзбекистон Республикаси Давлат хавфсизлик хизмати
Чегара қўшинлари чегара назорати бўлинмалари (кейинги ўринларда – чегара
назорати бўлинмалари) томонидан Давлат чегарасини қўриқлаш ва ҳимоя қилиш,
Давлат чегарасини ва ўтказиш пунктларида режимни бузиш ҳолатларининг
олдини олиш мақсадида Давлат чегараси орқали ўтказиш пунктларида шахслар,
транспорт воситалари ва товарларга нисбатан амалга ошириладиган комплекс
тадбирлар”;

куйидаги мазмундаги хатбоши билан тўлдирилсин:

“чегара кўриги – Ўзбекистон Республикаси Давлат хавфсизлик хизмати
Чегара қўшинлари бўлинмалари томонидан транспорт воситалари ва товарларда
назоратдан яширган шахслар ёки Давлат чегараси орқали олиб ўтиш
тақиқланган товарларни аниқлаш бўйича амалга ошириладиган комплекс
тадбирлар мажмуи”.

2. 18-банд қуйидаги таҳрирда баён этилсин:

“18. Транспорт воситалари ва товарлар техника хавфсизлигига риоя
этилган ҳолда, ташувчи вакили ёки товарга ваколатли шахс ёхуд транспорт
воситаси ҳайдовчиси (ҳаво, дарё кемаси экипажи, поезд бригадасининг аъзоси)
иштирокида чегара ва божхона назоратидан ўтказилади ҳамда улар қўшма
наряднинг талабига кўра кўздан кечириш қийин бўлган барча жойларни
кўрсатиши шарт”.

3. 30-банда:

иккинчи хатбоши қуйидаги таҳрирда баён этилсин:

“автотранспорт воситалари ва (ёки) товарлар чегара ва (ёки) божхона
кўригидан ўтказилганда”;

тўртинчи хатбоши қуйидаги таҳрирда баён этилсин:

“божхона органларига Ўзбекистон Республикасининг божхона чегараси
орқали, шу жумладан, транзит шартларида ўтказиладиган автотранспорт
воситалари ва товарлар бўйича транзит декларацияси олдиндан такдим қилинмаган
ҳолларда”.

4. 36-банднинг “е” кичик банди қуйидаги таҳрирда баён этилсин:

“е) қўшма наряд томонидан ҳайдовчидан автотранспорт воситасида чегара ва божхона назоратидан яширган шахслар ва товарлар, Ўзбекистон Республикаси худудига олиб кириш ёки худуди орқали транзит ташиш тақиқланган предметлар бор ёки йўқлиги сўралади. Шундан сўнг автотранспорт воситаси қўшма наряд томонидан кўрикдан (божхона мақсадлари учун божхона кўздан кечиравидан) ўтказилади”.

5. 40-банднинг “д” кичик банди қуйидаги таҳрирда баён этилсин:

“д) қўшма наряд томонидан ҳайдовчидан автотранспорт воситасида чегара ва божхона назоратидан яширган шахслар ва товарлар, Ўзбекистон Республикаси худудига олиб кириш ёки худуди орқали транзит ташиш тақиқланган предметлар бор ёки йўқлиги сўралади. Шундан сўнг автотранспорт воситаси қўшма наряд томонидан кўрикдан (божхона мақсадлари учун божхона кўздан кечиравидан) ўтказилади”.

6. 2-иловада:

а) 2-босқич қуйидаги таҳрирда баён этилсин:

“2-босқич Чегара назорати	1. Ҳайдовчининг Давлат чегарасини кесиб ўтиш хукуқини берувчи хужжатлари текшириш.	тўрт дақиқа
	2. Ҳайдовчи ва транспорт воситасини чегара назоратидан ўтказиш.	Божхона назоратига ажратилган вақт доирасида”.

б) Изоҳнинг биринчи хатбошиси қуйидаги таҳрирда баён этилсин:

“Изоҳ. Ўзбекистон Республикасига кириб келаётган юкли автотранспорт воситалари чегара ўтказиш пунктларида назорат тартиб-таомилларидан 22 – 30 дақиқада ўтказилади. Шу жумладан, чегара назорати билан боғлик тартиб-таомиллар ушбу белгиланган вақт доирасида амалга оширилади”.

7. 3-иловада:

а) 4-босқич қуйидаги таҳрирда баён этилсин:

“4-босқич Чегара назорати	1. Ҳайдовчининг Давлат чегарасини кесиб ўтиш хукуқини берувчи хужжатлари текшириш.	тўрт дақиқа
	2. Ҳайдовчи ва транспорт воситасини чегара назоратидан ўтказиш.	Божхона назоратига ажратилган вақт доирасида”.

б) Изоҳнинг биринчи хатбошиси қўйидаги таҳрирда баён этилсин:

“**Изоҳ.** Ўзбекистон Республикасидан чиқиб кетаётган юкли автотранспорт воситалари чегара ўтказиш пунктларида назорат тартиб-таомилларидан 14 – 20 дақиқада ўтказилади. Шу жумладан, чегара назорати билан боғлиқ тартиб-таомиллар ушбу белгиланган вақт доирасида амалга оширилади”.

